

Kalaallit Nunaanni suliffeqarfiit matujartorneranni pisut sillimaffiginiarlugit peqqussut

Kalaallit Nunaanni aningaasalersuineramik ingerlatsiviit pillugit inatsisip Kalaallit Nunaanni atuutilersinnissaanik kunngip peqqussutaa nr. 1252, 15. december 2004-meersumi §§ 245 a, imm. 4, Kalaallit Nunaanni aningaasalersuineramik ingerlatsiviit pillugit inatsit kunngip peqqussutaatigut nr. 1047, 1. september 2010-meersukkut allannguuteqartinneqartoq, aningaasaliisartut aningaasalersuisullu qularnarveeruserneqartarnerannut aningaasaateqarfik pillugu inatsit naapertorlugu aalajangersarneqarpoq:

Atuuffii

§ 1. Nalunaarut atuutsinneqarpoq suliffeqarfinnut aningaaserivittut ingerlatsinissamik akuerisaasunut, tak. aningaasalersuineramik ingerlatsiviit pillugit inatsit kunngip peqqussutaatigut allannguuteqartinneqartumi § 7.

Imm. 2. Nalunaarut atuutsinneqanngilaq immikkoortortaqaqarfinnut Kalaallit Nunaanni inissisimasunut, ingerlatsinissamut pisinnaatitsissut nunami allami Den Europæiske Union-imi imaluunniit nunami Unionip aningaasarsiorneq pillugu isumaqatigiissuteqarfigisimasaani, taamatullu Kalaallit Nunaannik isumaqatigiissuteqarsimasumit. Tamatuma saniatigut nalunaarut atuutsinneqanngilaq ingerlatsivinnut Finansiel Stabilitet A/S-ip ataani inissisimasunut.

Takussutissiat paasisutissallu pisariaqartitat

§ 2. Aningaaserivik pisinnaassuseqassaaq ammaanissamut oqimaqqatigiissitsineramik saqqummiussaqaqassalluni, tak. imm. 2.

Imm. 2. Ammaassinermi oqimaqqatigiissitsinermit ilanngunneqassapput pigisat, akiitsut aammalu pisussaaffiit allat pillugit nalunaarsuutit, tamatumani ilanngunnagit pisussaaffiit utaqqigallartinneqartut, takuuk § 98, Kalaallit Nunaanni akiliisinnaajunnaarnermut inatsisip atuutilersinneqarneranut peqqussut aamma taanna piffissamut aalajangersimasumut naatsorsuussiat tunngavigalugit suliarineqassaaq, tak. Finanstilsynip nalunaarutitut immersugassiaa ES2 imm. 4-6 malillugit pisarialinnik iluarsinertalik.

Imm. 3. Piffissamut pineqartumut naatsorsuutit, ammaassinermi oqimaqqatigiissitsinermit toqqammaviusut, naatsorsorneqartassapput aningaaseriviup nalinginnarmik naatsorsuuserrisarnera naapertorlugu ullormit matuffimmit nal. akunneri 12-t qaangiutsinnagit. Aningaaseriviup sapinngisamik pissarsiarissavai paasisutissat iluarsisat ammaassinermi oqimaqqatigiissitsisiorneqartassat atugassat, tak. ilanngussaq 1.

Imm. 4. Ingerlaannartumik tunniussinermi pigisat pisussaaffiillu ammaassinermi oqimaqqatigiissitsinermit nalingi missingersukkat naatsorsuusiorneqassapput. Nalit annertussusilerneranni takuneqarsinnaassaaq suliffeqarfik atorunnaariartuaartoq tiguneqanngitsoq tamannalu pissaaq ajunngitsorsiassat pigisallu tigussaannigut pillugit piginnaatitaaffiit allat akimmisaarutiginigat, tak. ilanngussaq 1.

Imm. 5. Inuit aningaaserivimmiitsitaat allallu pisussaaffiit, aningaaseriviup pigisaannut ilanngaataasussatut isigineqartariaqartut imaluunniit Aningaasaliisut Aningaasalersuisullu Qularnaveerusiiffiginissaannut Aningaasaateqarfiannit akilerneqartussat ammaassinermi oqimaqqatigiissitsinermit tamakkiisumik ilaatinneqassapput. Pisussaaffiit allat, Finansiel Stabilitet A/S-ip immikkoortotaanit pisussaaffigineqalersussat, taakkunanga ilanngaatigineqassapput aaqqiisoqarniarneranut atatillugu pisussaaffiliissutigineqartussatut

isigineqartussaannigitsut, tamatumani sillimmatinit nalilittut allassimasut taarserneqartussaannigitsut (værdiansættelsesreserve), taamaattumillu pisussaaffigineqartutut isigineqartariaqartut.

Imm. 6. Piffissami naatsorsuusiortimmi kingusinnerusukkut allannguutit annertuut naqqiivigineranni aamma Aningaasaliisut aningaasalersuisullu qularnaveerusiiffiginissaannut aningaasaateqarfimmit matussuserneqartut ammaassinermi oqimaqqatigiissitsinermi tunngavigineqassapput.

§ 3. Aningaasaliisut aningaasalersuisullu aningaasaliissutaat pappiaqqallu nalillit matussusikkat aningaasaateqarfiup nalunaarsugai aningaaseriviup naatsorsorsinnaasariaqarpai suliarisinnaasariaqarlugillu .

Imm. 2. Ulloq inaarinniffik qaangiuppat nalunaaquttap akunneri 12-it ingerlaneranni nalunaarsukkat pigineqareersinnaasariaqarpai.

§ 4. Naatsorsuineq najoqqutaralugu aamma Aningaasaliisut Aningaasalersuisullu Qularnaveerusiiffiginerannut Aningaasaateqarfik eqqarsaatigalugu ingerlatseqatigiiffik Finansiel Stabilitet A/S-ip pigissaani aningaasaliisut uninngasuutaat aamma qularnaveerusiissutaasa annertussusiat nalunaaquttat akunneri 12-it ingerlaneranni aningaaseriviup naatsorsorsinnaasariaqarpai.

Imm. 2. Tunniussinermi aamma Aningaasaliisut Aningaasalersuisullu Qularnaveerusiiffiginerannut Aningaasaateqarfimmi aningaasaliisut ataasiakkaat akiliuteqqaavisa annertussusiisa aamma ingerlatseqatigiiffimmi Finansiel Stabilitet A/S-ip pigisaani uninngasuutaasa annertussusiisa naatsorsornerisa inerneru toqqortarisinnaaqqullugit periaatsimik aningaasaateqarfik peqassaaq.

Imm. 3. Tunniussereerneru imm. 2-mi paasissutissat aningaaseriveqqaamut aamma Finansiel Stabilitet A/S-ip ingerlatseqatigiiffiutaanut saqqummiunneqarsinnaassapput.

Suliat ingerlaasiat periaatsillu

§ 5. Aningaasaateqarfiup suliaasa Finansiel Stabilitet A/S-ip ingerlatseqatigiiffiutaanut tunniunneranni atuisunut, akiitsulinnut qularnaveerusiisunullu nalinginnaasumik paasissutissiisarnissamut aningaasaateqarfik peqassaaq. Tusagassiorfinnut, aviisinut assigisaanulluunniit elektronik atorlugu nalinginnaasumik paasissutissiisoqartarsinnaavoq paasissutissiisoqartassaarlun Finansiel Stabilitet A/S-ip ingerlatseqatigiiffiata ulluinnarni ammasarfia siulleq nallertinnagu imaluunniit ammarnerani.

Imm. 2. Aningaasaateqarfiup suliaani Finansiel Stabilitet A/S-ip ingerlatseqatigiiffiutaanut tunniussinermi atuisunut ataasiakkaanut paasissutissiisarnermut periaatsimik aningaasaateqarfik peqassaaq. Aningaasaateqarfiup suliaani Finansiel Stabilitet A/S-ip ingerlatseqatigiiffiutaanut tunniussinermi atuisunut piaartumik paasissutissiisoqartassaaq.

Imm. 3. Akiitsoqarfiit nikinneri tamatumunngalu pissutaasut, aningaasaliisut uninngasuutaasa nutaat annertussusii aamma tunniussinermi uningasuutit tunniunneqanngitsut annertussusii, aningaasaliisut pisassaasa annertussusii kiisalu aningaaseriveqqaanut piunasaqaateqarnissamut periaatsit pillugit aningaasaliisunut paasissutissiisarnermut periaatsip minnerpaamik piginissaa systemip qulakkiissavaa.

§ 6. Nalit iluarsivigisat ingerlaannartumik annertussusilernissaannut paasissutissat pillugit suliffeqarfiup aquunneqarneranut aamma taakkua nalunaaquttap akunneri 12-it ingerlaneranni paasissutissiisutiginissaannut periaatsinik pitsaasunik aningaasaateqarfik peqassaaq, tak. ilanngussaq 2.

Imm. 2. Paasissutissat assersuutigalugu ilanngussaq 3-mi ersertut pigisat kukkunersiuisunit inaarutaasumik annertussusilernissaannut tunniunneqarsinnaassapput, tak. aningaasalersuutit patajaatsuunissaat pillugu inatsimmi § 16 g.

§ 7. Allaffissornikkut suleriaatsimik pitsaasumik anigaaserivik takutitsissaaq, isumaqatigiissutit annertuumik nammatasseeqqatigiissut annertussusii, pingaarutaat sumiissusersinissaallu pillugit aningaaserivik ataatsimut takunnissinnaassuseqartoq ersersillugu.

Imm. 2. Isumaqatigiissutit aningaaseriviup ingerlateqqinissaanut pingaarutillit nalunaquttap akunneri 24-it ingerlaneranni pissarsiarineqarsinnaassapput, tak. ilanngussaq 4-mi assersuutit.

§ 8. §§ 2-7ni piumasaqaatit malissinnaajumallugit aningaaseriviup suleriaasiisa periaasiisalu aaqqissuussaanerat pilersarusiornerallu aningaaseriviup kukkunersiuisuisa avataaneersut ukiumut ataasiarlutik misissortassavaat tamakkulu tunngavigalugit qinnuigineqarnikkut Finanstilsynimut saqqummiunnissaannut kukkunersiuisutut uppernarsaammik saqqummiussisinnaassallutik. Uppernarsaat allannguuteqarsinnaatillugu imaluunniit paasissutissanik ilassuteqartillugu tunniunneqarpat iliuutsit taakku pillugit kukkunersiuisoq immikkut uppernarsaasiussaaq. Finanstilsynip nittartagaani ataatsimut innersuussutit malillugit uppernarsaat tunniunneqassaaq. Suliat iluamik suliarinissaannut ersiutinik misiliinissamut kukkunersiuisoq pisussaaffeqanngilaq.

Imm. 2. Kukkunersiuisup uppernarsaataa siulleq aningaaseriviup 2010-mut ukiumoortumik naatsorsuutaanut uppernarsaat peqasiullugu tunniunneqassaaq.

Pineqaatissiinissaq pillugu aalajangersagaq

§ 9. §§ 2-8-nik unioqutitsinermut Kalaallit Nunaanni pinerluttulerinermik inatsit malillugu akiliisitsisoqassaaq.

Imm. 2. Aktiaatileqatigiiffik piginneqataassutileqatigiiffilluunniit, piginnittut ingerlatseqatigiiffiat, peqatigiiffik, aningaasaateqarfik assigisaaluunniit unioqutitsippata akiliuussanngartitaasinnaapput.

Atuutilerfia

§ 10. Nalunaarut manna atuutilerpoq 15. december 2010.

Finanstilsynet, ulloq 3. december 2010

ULRIK NØDGAARD

/ Kristian Vie Madsen